

通典卷第一百五十一

唐京兆杜佑君文卿纂

兵四

孫子曰用間有五有因間有內間有反間有死間有生
間五間俱起莫知其道是謂神紀因間者因其鄉人而
用之者也因敵鄉人知敵表裏虛實之情故就而用之可使伺候也內間者因其官
人而用之者也因在其官失職者若刑戮之子孫與受罰之家也因其有隙就而用之反
間者因其敵間而用之者也敵使間來視我我知之因厚賂重許反使爲我間也
蕭世誠曰言敵使人來候我我佯不知而死間者爲誑示以虛事前却期會使歸相語故曰反間事於外令吾間知之而待於敵間者也作詐誑之事於外佯漏泄之使

吾間知之吾間至敵中為敵所得必以誑事輸敵從而
備之吾所行不然間則死矣又云敵間來間我誑事以
持歸然皆非所圖也二間皆不能知幽隱深密故曰死
間也蕭世誠曰所獲敵人及已叛亡軍士有重罪繫者
故為貸免相勅勿洩佯不祕密令敵間竊聞之吾生間
因縱之使亡去必歸敵必信焉往必死故曰死間生間
者反報者也擇已有賢才智謀能自開通於敵之親貴
察其動靜知其事計彼所為已知其實還

報故曰

生間故三軍之親莫親於間

若不親撫重以祿賞則反為敵用洩我情實

賞莫厚於間

厚賞之賴其用

事莫密於間

間事不密則為已害

非聖智不

能用間

不能得間人之用

非仁義不能使間非微密者不能得

間之實

用意密而不漏

間事未發而先聞其間者與所告者皆

死凡軍之所欲擊

所欲擊之軍

城之所欲攻

所欲攻之城者

人之所

欲殺

所欲殺之人者

必先知其守將左右謁者門者舍人之姓

名守謂官守職任者謁告也主告事者也門者守門者也舍人守舍之人也必先知之為新舊有急則呼之

則不見呵止亦今吾間必索知之敵間之來間我者因

以利導而舍之舍居止也令吾人遺以重利故反間可

得而用也故能取敵之因是而知之故因間內間可得

而使也因反敵間而知敵情因因是而知之故為誑事

可使告敵因是可得而攻也因誑事而知敵情生間往

在因是而知之故生間可使如期五間之事主必知之

人主當知五間之故反間不可不厚也反間五間之本

用厚其祿豐其財昔伊呂之在夏殷為殷周反間豈不重之哉故明

主賢將能以上智為間者必成大功此兵之要三軍所

恃而動者也

間謀

春秋時楚師伐宋九月不服將去宋楚大夫申叔時曰

築室反耕者宋必聽命楚子從之

築室於宋分兵於田示無去志王從其言

宋人懼使華元夜入楚師登子反之牀起之曰寡君使

元以病告

兵法因其鄉人而用之必先知其守將左右謁者門者舍人之姓名因而利導之華元蓋

用此術得

以自通曰敝邑易子而食析骸以爨雖然城下之盟

有以國斃不能從也

寧以國斃不從城下盟

去我三十里唯命是

聽子反懼與之盟而告楚子退三十里宋及楚平

華元若不

因間謀無由得入楚軍

○戰國鄭武公欲伐胡先以其子妻胡因

問羣臣曰吾欲用兵誰可伐者大夫關思期曰胡可武

公怒而戮之曰胡兄弟之國子言伐之何也胡君聞之

以鄭爲親已不備鄭襲胡取之

此用死間之勢

○戰國燕昭王

以樂毅爲將破齊七十餘城及惠王立與毅有隙齊將

田單乃縱反間於燕宣言曰齊王已死城不拔者二耳

樂毅畏誅而不敢歸以伐齊爲名實欲連兵南面而王

齊齊人未附故且緩師使他將來卽墨殘矣燕王以爲

然使騎劫代毅燕人士卒離心單又縱反間曰吾懼燕

人掘吾城外塚墓

音戮

先人燕軍從之卽墨人激怒請

戰大敗燕師所亡七十餘城悉復之○戰國秦師圍趙

闕與趙將趙奢救之去趙國都三十里不進秦間來奢

善食

音寺

遣之間以報秦將以爲奢師怯弱而止不行奢

隨而卷甲趨秦師擊破之

具示緩篇此則反用彼間也

○戰國秦與

趙兵相拒長平趙孝成王使廉頗爲將固壁不戰秦數挑戰廉頗不出秦之間言曰秦之所患獨畏馬服趙奢之子爲將耳趙王信之因以奢子爲將終爲秦將白起所敗○楚漢相持未決勝負陳平言於漢王曰彼項王骨鯁之臣以亞父范增鍾離昧龍且周殷之屬不過數人大王誠能出捐數萬斤金行反間其君臣以疑其心項王爲人意忌信讒必內相誅漢因舉兵而攻之破楚

必矣漢王然之遂出黃金四萬斤與平恣所爲不問出入既多以金縱反閒於楚軍宣言諸將鍾離昧等爲項王將功已多矣然終不得裂地而王欲與漢爲一滅項氏分王其地項王果疑之使使至漢漢爲太牢之具舉進見楚使

舉鼎俎而來

卽佯驚曰吾以爲亞父使乃項王使

也復持去以惡草具進楚使

去太牢因更以草菜之具

使歸具報項

王項王果大疑亞父亞父欲急擊下滎陽城項王不信不肯聽亞父亞父聞項王疑之乃大怒曰天下事大定矣君王自爲之願賜骸骨歸歸未至彭城疽發背而死漢遣紀信詐降而漢王宵遁終滅項羽

羽不悟反閒而亡

○漢

使酈食其說齊王田廣捨兵與酈生縱酒漢將韓信因

齊無備襲齊破之田廣烹食其

此偶成韓信用死間之勢

○漢高帝

被匈奴單于冒頓圍於白登乃使閒厚遺閼氏閼氏乃

謂冒頓曰兩主不相困今得漢地而單于終非能居之

且漢主亦有神單于察之冒頓乃解圍之一角於是高

帝令士皆持滿傳矢外嚮從解角直出竟與大軍合而

冒頓遂引兵而去○後漢西域將兵長史班超發于闐

諸國兵擊莎車龜茲二國揚言兵少不敵罷散乃陰緩

生口歸以告龜茲王喜而不虞超卽潛勒兵馳赴莎車

大破降之

具聲言退誘敵破之篇斯亦同死間之勢

○晉益州牧羅尚遣將

隗伯攻蜀賊李雄於郫城互有勝負雄乃募武都人朴
泰鞭之見血使譙羅尙欲爲內應以火爲期尙信之悉
出精兵遣隗伯等率兵從泰擊雄雄將李驤於道設伏
泰以長梯倚城而舉火伯軍見火起而爭緣梯泰又以
繩汲上尙軍百餘人皆斬之雄因放兵內外擊之大破
尙軍

此用內
間之勢

○十六國後涼呂光將呂延伐乞伏乾歸

大敗之乾歸乃縱反間稱衆潰東奔成紀延信而追之
延司馬耿稚曰告者視高而色動必有姦計不可延不
從相遇戰敗死之

具聲言退誘敵破之篇斯
亦同班超破莎車之勢

○東魏將

段琛據宜陽遣將牛道常扇誘邊人西魏將韋孝寬拒

之遣謀人訪獲道常手迹令善書者僞作道常與孝寬書論歸欵之意又爲落燼燒迹若火下書者還令謀人遺之於琛營琛得書果疑之道常所經略皆不見用孝寬知其離沮因出奇兵掩襲道常及琛等嶠澠遂清

澠音

汚

○東魏大將齊神武率兵趣沙苑西魏大將周文帝

遣達奚武覘之武從三騎皆衣敵人衣服至日暮去營數百步下馬潛聽得其軍號因上馬歷營若警夜者有

不如法者往往撻之具知敵情狀以告周文帝○齊斛

律光字明月爲當時名將後周將韋孝寬守玉壁

今絳郡稷

山縣

忌光英勇孝寬參軍曲嚴頗知卜筮謂孝寬曰來年

齊朝必大相殺戮孝寬因令嚴作謠言令閒謀漏其文
於鄴曰百升飛上天明月照長安又曰高山不推自崩
榦樹不扶自豎祖珽因續之曰盲老翁背上下大斧饒
舌老母不得語令小童歌之於路穆婆提聞之以告其
母陸令萱令萱以饒舌斥已也

陸令萱卽後主乳母

盲老翁謂祖

珽也遂相與協謀以謠言啓後主誅光周武帝聞之遂

大赦境內始有滅齊之志竟平其國○大唐衛公李靖

伐突厥頡利可汗以唐儉先在突厥結和親突厥遂不

備靖因掩擊破之

亦以唐儉爲死間之勢

○李靖兵法曰夫戰之

取勝此豈求之於天地在乎因人以成之歷觀古人之

用閒其妙非一卽有閒其君者有閒其親者有閒其賢者有閒其能者有閒其助者有閒其鄰好者有閒其左右者有閒其縱橫者故子貢史廖陳軫蘇秦張儀范雎等皆憑此術而成功也且閒之道其有五焉有因其邑人使潛伺察而致詞焉有因其仕子故洩虛假令告示焉有因敵之使矯其事而返之焉有審擇賢能使覘彼向背虛實而歸說之焉有佯緩罪戾微漏我僞情浮計使亡報之焉凡此五閒皆須隱祕重之以賞密之又密始可行焉若敵有寵嬖任以腹心者我當使閒遺其珍玩恣其所欲順而傍誘之敵有重臣失勢不滿其志者

我則啗以厚利詭相親附採其情實而致之敵有親貴
左右多詞夸誕好論利害者我則使間曲情尊奉厚遺
珍寶揣其所間而反間之敵若使聘於我我則稽留其
使令人與之共處矯致殷勤僞相親暱朝夕慰喻倍供
珍味觀其辭色而察之仍朝暮令使獨與已伴居我遣
聰明者潛於複壁中聽所間使旣遲違恐彼怪責必是
竊論心事我知計遣使而用之且夫用間以間人人亦
用間以間已彼以密來理須獨察於心參會於事則不
失矣若敵使人來欲候我虛實察我動靜覘知事計而
行其間者我當佯爲不覺舍其厚利而善啗之微以我

僞言誑事示以前却期會卽我之所須爲彼之所失者
因其有間而反間之彼若將我虛而以爲實我卽乘其
弊而得其志矣夫水所以能濟舟亦有因水而覆沒者
間所以能成功亦有憑間而傾敗者若束髮事主當朝
正色忠以盡節信以竭誠不詭伏以自容不權宜以爲
利雖有善間其可用乎

行師先在量力不可窮兵

春秋時息侯伐鄭鄭伯與戰於境息侯大敗而還君子

是以知息之將亡也不度德

鄭莊賢

不量力

息國弱

不親親

鄭息同姓之國

不徵辭不察有罪

言語相恨當明徵其辭以審曲直不宜輕鬪

犯五

不遑而以伐人其喪師也不亦宜乎

遑音於
鬼反

○漢武帝

患匈奴屢爲邊患鴈門馬邑豪聶壹因大行王恢言匈奴初和親親信邊可誘以利致之伏兵襲擊必破之道也帝召問公卿曰今欲舉兵攻之何如韓安國曰臣聞高皇帝圍於平城匈奴至日投鞍高如城者數所平城之饑七日不食天下歌之解圍之後而無忿怒之心夫聖人以天下爲度者也不以私怒傷天下之政故乃遣劉敬奉金千斤結和親至今爲五世利孝文皇帝又嘗一擁天下精兵聚之廣武終無尺寸之功而天下黔首無不憂者孝文悟於兵之不可宿故復固和親之約此

二聖之跡足以爲效矣竊以勿擊爲便○漢元帝時朱崖儋耳二郡夷數反賈捐之上書請不擊便其畧曰臣聞堯舜禹三聖之德地方不過數千里西被流沙東漸於海朔南暨聲教欲與聲教則治之不欲與者不强治也是以頌聲並作視聽之類咸樂其生秦氏興兵遠攻貪外虛內務欲廣地而天下潰畔賴聖漢爲百姓請命平定天下至孝武皇帝以國富人逸攘却匈奴西連諸國至於安息東過碣石造鹽鐵酒榷之利以佐用度猶不能足當此之時寇盜並起征伐不休之故也今陛下不忍悁悁之忿欲毆士衆擠之大海之中

悁居緣反

快心幽